

БОСНА И ХЕРЦЕГОВИНА  
РЕПУБЛИКА СРПСКА  
ВИСОКА ПОСЛОВНО ТЕХНИЧКА ШКОЛА  
**ДОБОЈ**



BOSNIA AND HERZEGOVINA  
REPUBLIC OF SRPSKA  
VISOKA POSLOVNO TEHNIČKA ŠKOLA  
**DOBOJ**

---

Висока пословно техничка школа, ул.Озренских српских бригада 5А, 74000 Добој, Република Српска, Босна и Херцеговина  
Tel: +387 53 208 600, +387 53 208 601, +387 53 208 602, Fax: +387 53 208 600,  
e-mail: info@vpts-doboj.info www.vpts-doboj.info

# **P R A V I L N I K O IZRADI SEMINARSKOG RADA NA VPTŠ DOBOJ**

**DOBOJ, 2012. godine**

Na osnovu člana 64. stav 2. tačka v. Zakona o visokom obrazovanju (sl. Glasnik Republike Srpske br. 73/10 i 104/11) i člana 31. tačka 3. Statuta Visoke poslovno tehničke škole Doboj, Senat škole na sjednici održanoj 21.03.2012..godine, donosi:

## **PRAVILNIK O IZRADI SEMINARSKOG RADA NA VPTŠ DOBOJ**

Ovim Pravilnikom propisuje se način prijavljivanja, izrade i ocjenjivanja seminarskog rada na VPTŠ Doboj.

### **Član 1.**

U toku semestra student je dužan izraditi seminarski rad za svaki predmet utvrđen nastavnim planom i programom VPTŠ Doboj.

### **Član 2.**

Broj ostvarenih bodova iz seminarskog rada integrisan je u završnu ocjenu studenta iz svakog predmeta i evidentira se u indeks.

### **Član 3.**

Seminarski rad samostalna je stručna obrada određene teme koju studentima predlaže predmetni nastavnik.

Spisak tema za izradu seminarskih radova, predmetni nastavnik dužan je objaviti na oglasnoj tabli i sajtu VPTŠ Doboj , 15 dana nakon početka predavanja tekuće školske godine. Nastavnik je takođe dužan uputiti studenta u način obrade teme, na literaturu kojom se treba koristiti i na širinu seminarskog rada. Svrha je seminarskog rada da se prilikom njegove izrade student šire i dublje upozna s materijom nastavnog predmeta i da stekne navike za pisanje diplomskog rada, te ostalih stručnih i istraživačkih radova. Izradom seminarskog rada student dokazuje sposobnost primjene teorijskog i praktičnog rada, te sposobnost da se samostalno služi stručnom literaturom u pismenoj obradi teme.

### **Član 4.**

#### **DIJELOVI SEMINARSKOG RADA**

**I. Početna strana** (data u prilogu)

**II. Sadržaj** ( sastoji se od naslova i stranica svih poglavlja)

**III. Uvod** ( uvodi u problem, navodi cilj rada te obrađuje metode korištene prilikom izrade rada )

**IV. Tekst rada** ( razrada seminarskog rada (uvodni dio, građivo i obrada, rezultati, rasprava o stavovima drugih autora))

**V. Zaključak** (vlastito mišljenje o obrađenoj temi)

**VI. Popis korištenih skraćenica**

**VII. Pravni izvori i literature**

**VIII. Prilozi**

Rimskim brojevima označavaju se dijelovi rada.

### **Član 5.**

#### **UPUTSTVA ZA IZRADU RADA**

- **Naslovi poglavlja** Times New Roman 12 pt. Naglašeno (velika slova)-Bold

- **Naslovi potpoglavlja:** Times New Roman 12 pt. Kurziv-

- **Opći tekst:** Times New Roman 12 pt. 1,5 pored, Justify (obostrano poravnanje teksta)
  - **Izdvajanje:** Times New Roman 12 pt. Kurziv-ukoso-italic
  - **Fusnota:** Times New Roman 10 pt.1 pored, justify (obostrano poravnanje teksta),
  - **Literatura –bibliografija:**Times New Roman 12 pt. 1 pored, justify (obostrano poravnanje teksta),
  - **Numerisanje stranice:** Times New Roman 12 pt. Dolje desno. Na prvu stranicu rada ne stavlja se broj; Arapskim brojevima označavaju se stranice od Uvoda na dalje, tako da se s prve stranice izostavlja broj 1, a označavaju se brojevi od 2 na dalje.
  - **Margine teksta:** gornja: 2cm; donja: 2cm; lijeva 2,5cm; desna 2 cm.
- Tekst, sadržaj, naslovi i podnaslovi, citiranje, fusnote i spisak literature **moraju biti crne boje**.  
Prije svakog naslova i podnaslova trebaju biti dva slobodna reda, a nakon svakog naslova (a prije teksta) jedan slobodan red.

## LITERATURA I PRAVNI IZVORI

Popis korištene literature navodi se u posebnom poglavlju, prema abecedi prezimena autora odnosno naslovu.

### -knjige i članci: - knjige:

*Npr. 1. Turčinović, Filip, Pravo Evropske unije, Univerzitet Megatrend, Beograd, 2005.*

- **članci:** *Npr. 1. Simonetti, Petar, Pravna priroda etažnog vlasništva u nacionalnom i komparativnom pravu, Rijeka, ZPFR, vol. 15, 1/1994, str. 25-35.*

- **linkovi sa Interneta** Citiraju se na način da se navede prezime i ime autora (ako je poznat), naslov članka, naziv publikacije, broj i godišće (ako je članak objavljen u publikaciji), web stranica, datum kada je stranica ažurirana te datum ispisa članka

*Npr. 1. Resta, Pier G., Losses Caused by Animals, 3 Cardozo El. L. Bull., 18(1997), <<http://www.gelso.unitn.it/card-adm/Review/Torts>>, 29. jula 1997., 1. februara 1998.*

## CITIRANJE

- **CITIRANJE U TEKSTU** (*harvardski način citiranja*): daju se skraćene informacije o referenci: autor, godina i stranica u samom tekstu.

“tekst tekst tekst” (autor, godina: str.) tekst tekst.

**Primjer:** U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“. (Filipović, 2004 : 35).

- **CITIRANJE U FUSNOTAMA** (*kontinentalno-evropski način citiranja*):

daju se kompletne bibliografske informacije za svako djelo u fusnoti (u dnu stranice).

“tekst tekst tekst”*FUSNOTA* tekst tekst.

**Primjer:** U pogledu nauke i ljudskog mišljenja „Mišljenje je najviši psihički proces i djelatnost koja se javlja u svijetu“ 1

1.Filipović, Muhamed, Metodologija znanosti i znanstvenog rada, Svjetlost, Sarajevo,2004.str. 35.

## PRILOZI

Dopušteni prilozi uz tekst rada su tablice i slike. Svi se ostali prilozi (šeme, grafikoni, dijagrami, prikazi i sl.) moraju uvrstiti u jednu od dvije navedenih grupa. Numerišu se kroz rad arapskim brojevima onim redom kojim se pojavljuju za sva poglavlja rada zajedno i u pravilu se smještaju odmah uz tekst u kojem se opisuju

Svi prilozi moraju biti naslovljeni. Naslovi slika nalaze se uvijek ispod slike, a naslovi tablica nalaze se uvijek iznad tablica. Slike i tablice moraju biti objašnjive i jasne same za sebe, pa se u njima ne smiju koristiti skraćenice i oznake koje na istom mjestu, tj. u njima samima, nisu i objašnjene.

#### Član 6..

Ukupan broj bodova koji student može ostvariti pri izradi seminarskog rada iznosi od 0 – 15 bodova ( student koji ne brane seminarski rad mogu maksimalno ostvariti 10 bodova, dok se odbrana seminarskog rada vrednuje sa 5 bodova).

#### Član 7.

Seminarski se rad piše na papiru formata A4 (21x29,7 cm) s proredom 1.5, fontom 12 Times New Roman, a sastoji se od:  
Seminarski rad treba obuhvatiti 10 do 15 stranica.

#### Član 8.

Seminarski se rad obavezno uvezuje u prozirno plastične korice. Stranice seminarskog rada moraju biti numerisane.

Na početnoj ili vanjskoj stranici upisuju se sljedeći podaci:

- Naziv visokoškolske ustanove
- Seminarski rad
- Naziv predmeta
- Doboj, mjesec i godina.

Na unutrašnjoj naslovnoj stranici upisuju se sljedeći podaci:

- Visoka poslovno tehnička škola Doboj
- Seminarski rad
- Tema
- Ime i prezime studenta
- Broj indeksa
- Mentor rada
- Doboj, mjesec i godina.

#### Član 9.

Seminarski rad student predaje predmetnom nastavniku- saradniku do unaprijed utvrđenog datuma. Ukoliko seminarski rad ne odgovara formalnim zahtjevima propisanim ovim Pravilnikom, predmetni nastavnik –saradnik ga ne preuzima (vraća ga studentu na doradu).

Ako student na seminarskom radu ostvari manje od 7 bodova, isti će mu biti vraćen na doradu.

#### Član 10.

Student svoj seminarski rad može braniti na predavanjima ili vježbama, prema predviđenom roku za odbrane seminarskih radova.

Za evidenciju odbrana seminarskih radova na Visokoj poslovno tehničkoj školi Doboj odgovoran je saradnik.

#### Član 11.

Ovaj Pravilnik se primjenjuje od školske 2012/2013 godinu.

Pravilnik stupa na snagu danom donošenja istog.

BR. 040-1/2-3/12

Datum: 21.03.2012. godine

Predsjednik Senata

\_\_\_\_\_  
Dr. Srećko Novaković

**Prilog** (*Uputa za prve dvije strane*)

**VISOKA POSLOVNO TEHNIČKA ŠKOLA DOBOJ**

**SEMINARSKI RAD**

**Predmet:** \_\_\_\_\_

**Doboj, \_\_\_\_\_ . God.**

**VISOKA POSLOVNO TEHNIČKA ŠKOLA DOBOJ**

**SEMINARSKI RAD**

**Tema:** \_\_\_\_\_

**Student:** \_\_\_\_\_ **Br.indeksa** \_\_\_\_\_

**Mentor:** \_\_\_\_\_

**Doboj, \_\_\_\_\_ . God.**